



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Totivs Theologiæ S. Thomæ Aqvinatis, Doctoris Angelici Ordinis Prædicatorum

Svpplementvm Tertiæ Partis

Thomas <von Aquin, Heiliger>

Romæ, 1619

Vtrum Episcopus possit indulgentias facere? 3

urn:nbn:de:hbz:466:1-38817

sint absolucere in foro pœnitentiæ, quod est ordinis .
Et per hoc patet solutio Ad obiecta . Indulgentias enim facere pertinet ad clauem iurisdictionis, & non ad clauem ordinis .

ARTIC. III.

Vtrum Episcopus possit indulgentias facere?

102

Ad tertium sic proceditur . Videtur, quòd etiam Episcopus non possit indulgentias facere. Quia thesaurus Ecclesiæ est communis toti ecclesiæ. Sed id quod est commune toti ecclesiæ, non potest dispensari nisi per illum, qui toti ecclesiæ præest . Ergo solus Papa potest indulgentias facere.

ca Quid autè, de pœnit. & remiss.

¶ 2 Præterea, Nullus potest remittere pœnas à iure determinatas, nisi ille qui habet potestatem ius condendi . Sed pœnæ satisfactoriæ, sunt pro peccatis determinatæ à iure . Ergo remittere huiusmodi pœnas potest solus Papa, qui conditor est iuris .

SED contra est, consuetudo ecclesiæ, secundum quam Episcopi dant indulgentias .

RESPONDEO dicendum, quòd Papa habet plenitudinem pontificalis potestatis, quasi rex in regno. Sed Episcopi assumuntur in partem sollicitudinis, quasi iudices singulis ciuitatibus præpositi . Propter quod eos solos in suis litteris Papa fratres vocat, reliquos autem omnes vocat filios . Et ideo potestas faciendi indulgentias plene residet in Papa: quia potest facere prout vult, causa tamen existente legitima : sed in Episcopis est taxata secundum ordinationem Papæ; & ideo possunt facere secundum quod eis est taxatum, & non amplius .

Et per hoc patet solutio Ad obiecta .

ARTIC. IV.

Vtrum ille, qui est in peccato mortali, possit indulgentias facere?

103

Ad quartum sic proceditur . Videtur, quòd ille, qui est in peccato mortali, non possit facere indulgentias. Quia riuus, cui fons non influit, nihil proficere potest . Sed prælato in peccato mortali